



GreenAL

Udhëzues për aplikant

Grante 'të dedikuara'

Kodi i Thirrjes: 16510-G01

Publikuar në datë 22 Maj 2025

Aplikimet pranohen deri në datë 22 Qershor 2025



Përmbajtja

1. Përshkrimi i GreenAL.....	3
i) Territori i veprimit dhe partnerët	3
2. Grantet 'e dedikuara'	4
i) Konteksti	4
ii) Objektivat e thirrjes.....	5
iii) Prioritetet	5
3. Kriteret e aplikimit.....	5
i) Kush mund të aplikojë?	6
ii) Tipologjia e mbështetjes financiare	6
4. Rregulla të përgjithshme.	7
5. Tema të mundshme	8
6. Aplikimi.....	9
i) Dokumentet e nevojshme	9
ii) Mënyra e dorëzimit	9
7. Vlerësimi.....	10
i) Vlerësim i nismës.....	10
ii) Procedura e përzgjedhjes	11

Shënim:

Ky udhëzues ofron informacionin e nevojshëm për të gjithë Organizatat e Shoqërisë Civile në Shqipëri, që janë të interesuara për të aplikuar në thirrjen për grante 'të dedikuara' të GreenAL. Udhëzuesi shpjegon qasjen, kriteret dhe rregullat e thirrjes. Për çdo informacion ose paqartësi, mund të na shkruani në info@greenal.al.



1. Përshkrimi i GreenAL

Projekti GreenAL 'Mbështetja e Organizatave Mjedisore të Shoqërisë Civile 2024-2027' synon të fuqizojë organizatat mjedisore të shoqërisë civile Shqiptare, për të marrë pjesë dhe kontribuar në mënyrë efektive dhe direkte në procesin e negociatave për anëtarimin në BE, me fokus kryesor Kapitullin 27.

Nëpërmjet mbështetjes financiare dhe teknike përgjatë viteve të zbatimit, projekti GreenAL kërkon të kontribuojë në mënyrë proaktive në adresimin e sfidave mjedisore, nëpërmjet advokimit, ndikimit në politika dhe monitorimit nga niveli lokal në atë kombëtar duke pasur në fokus përfshirjen aktive të komuniteteve. Përgjatë kohëzgjatjes së tij, GreenAL do përqendrohet në 3 tematika kryesore: **Ndryshimet Klimatike, Ndotja dhe Natyra**.

Ky projekt financohet nga Agjencia Ndërkombëtare Suedeze për Bashkëpunim dhe Zhvillim, Sida, me fondet e Qeverisë Suedeze dhe zbatohet nga Co-PLAN, Instituti për Zhvillimin e Habitatit në bashkëpunim me organizatat VIS Albania dhe COSV - Cooperazione per lo Sviluppo.

Për më tepër informacion në lidhje me elementet kryesore të projektit GreenAL, referohuni [Pasqyrës së Programit këtu](#).

i) Territori i veprimit dhe partnerët

Projekti GreenAL do të zbatohet në të gjithë territorin e Republikës së Shqipërisë. Për të siguruar një menaxhim të mirë të projektit dhe një mbështetje të vazhdueshme të organizatave dhe grupeve të interesit, Partnerët kanë vendosur të ndajnë territorin e vendit në 3 rajone kryesore, me një Partner përgjegjës për secilën territor:

- Rajoni **Verior**, i cili përfshinë qarqet Kukës, Dibër, Shkodër dhe Lezhë, është nën përgjegjësinë e partnerit VIS Albania.
- Rajoni **Qendror**, i cili përfshinë qarqet Tiranë, Durrës, Elbasan dhe Fier, është nën përgjegjësinë e partnerit Co-PLAN.
- Rajoni **Jugor**, i cili përfshinë qarqet Vlorë, Berat, Korçë, Gjirokastrë, është nën përgjegjësinë e partnerit COSV.

Secili nga Partnerët do të ofrojë asistencë dhe mentorim për të gjithë përfituesit e granteve të cilët do të duan të aplikojnë e zbatojnë projekte në rajonet respektive duke synuar:

1. Mbështetjen e OSHC-ve mjedisore, për të konsoliduar pozicionin e tyre në bashkinë/rajonin në të cilin operojnë;
2. Rritjen e bashkëpunimeve ndërmjet OSHC-ve, ekspertëve, aktivistëve, bizneseve dhe institucioneve publike;
3. Rritjen e ndërgjegjësimit të komunitetit dhe grupeve të interesit për çështjet mjedisore.

2. Grantet ‘e dedikuara’

i) Konteksti

Shqipëria është një vend i cili konsiderohet i cënueshëm ndaj ndryshimeve klimatike¹, kryesisht nga mungesa e ujit, thatësiat, rritja e temperaturave, rritja e nivelit të deteve, erozioni bregdetar, përmytjet, zjarret etj., dhe për këtë arsye nevojitet të merren masa paraprake për reduktimin e riskut dhe ndërgjegjësimin e komuniteteve lidhur me efektet dhe pasojat e tyre. Qeveria Shqiptare në vitet e fundit ka bërë disa hapa përpara në hartimin e planeve strategjike, legjisllacionit dhe ratifikimin e marrëveshjeve ndërkombëtare e evropiane, të cilat e vendosin këtë të fundit përballë sfidës së përmbushjes së detyrimeve që burojnë nga këto dokumenta.

Nga njëra anë është hartimi i dokumentave, të cilat janë shumë të nevojshme, e nga ana tjetër është mirë zbatimi i tyre për të arritur objektivat e vendosur. Në këtë drejtim, raportimet të cilat vijnë nga Organizata të Shoqërisë Civile (OSHC) të ndryshme mjedisore por edhe nga ana e organeve zyrtare nëpërmjet, Raportit të Gjëndjes në Mjedis 2022, Raporti Vjetor i Kriminalitetit 2022 dhe Progres Raporti 2023 i KE-së për Shqipërinë referojnë se në Republikën e Shqipërisë ka abuzime të cilat kryen në kurriz të mjedisit duke ndikuar në degradimin e tij. **Problematikat mjedisore lidhen kryesisht me ndotjen e ujit, ajrit e tokës, prerje të paligjshme dhe zjarrvënje në pyje, mungesën e masave dhe ndërgjegjësimin e grupeve të interesit për pasojat e ndryshimeve klimatike në sektorë të ndryshëm.**

Zhvillimet e viteve të fundit kanë sjell edhe ndryshime të qenësishme në përdorimin e tokës për të akomoduar nevojat për zhvillim duke i hapur vendin ndërtimit të objekteve rezidenciale (edhe në zona të mbrojtura), tregtare dhe infrastrukturore dhe duke rritur presionin ndaj mjedisit dhe burimeve natyrore në favor të zhvillimit ekonomik, element të cilët nuk janë në linjë me parimet e zhvillimit të qëndrueshëm.

Nga disa OSHC evidentohet se miratimi i legjisllacionit apo projekteve madhore zhvillimore të cilat kanë ndikim direkt në mjedis jo gjithmonë ndjekin hapat ligjor referuar ligjit nr. 146/2014 “Për njoftimin dhe konsultimin publik”. Por edhe në ato raste kur këto procese zhvillohen, komunitetet ndihen të papërfaqësuar dhe OSHC-të nuk kanë një përgjigje/feedback lidhur me sugjerimet që kanë dhënë dhe nëse ato janë marrë në konsideratë apo jo.

Aktualisht konsultimi digjital, nëpërmjet [Regjistrat Elektronik për Njoftimet dhe Konsultimet Publike](#), është metoda kryesore e konsultimit publik. Grupet e interesit vlerësojnë se kjo platformë nuk është shumë miqësore me përdoruesit, të cilët e konsiderojnë më shumë si një platformë informimi se sa një hapësirë ndërveprimi², duke ndikuar në shkurajimin e tyre në përdorimin efektiv të saj.

Në këtë drejtim, për t’i dhënë mundësinë edhe OSHC-ve lokale (pa dhe me përvojë të kufizuar), për të reaguar dhe përgjigjur ndaj një zhvillimi me ndikim mjedisor ose ndërsektorial në zonën ku ato veprojnë, GreenAL do të ofrojë mbështetje financiare në formën e granteve “të dedikuara”, **rritje kapacitetesh organizative dhe advokuese** për ta sjellë problematikën në vëmendje të qytetarëve dhe vendimmarrësve me synim adresimin, ndërgjegjësimin dhe marrjen e masave.

Sfidat mjedisore nuk qëndrojnë si çështje më vete, shpesh ndërthuren ose theksojnë më tej pabarazitë dhe problemet ekzistuese sociale, ekonomike, shëndetësore midis grupeve të ndryshme shoqërore. Si rezultat, grupet e marxhinalizuara (gratë, të moshuarit, fermerët, personat me aftësi të kufizuara apo me të ardhura të pakta, etj)

¹ Indeksi i Riskut Botëror 2023

² Raport Studimor: Një dekadë nga ligji për konsultimin publik në Shqipëri: Thirrje për reformë. IDM, 2023.

<https://idmalbania.org/sq/raport-studimor-nje-dekade-nga-ligji-per-konsultimin-publik-ne-shqiperi-thirrje-per-reforme/>



janë të parët që vuajnë pasojat e sidave mjedisore si ndryshimet klimatike, ndotja dhe shkatërrimi i natyrës. Për këtë arsye, kjo skemë e mbështetjes financiare në formën e granteve “të dedikuara” do të kushtojë një rëndësi të veçantë edhe zhvillimeve me ndikim ndërsektorial, të cilat ndërthurin sfidat mjedisore me ato sociale, ekonomike, shëndetësore, etj, dhe promovojnë parimet e barazisë sociale dhe mjedisore.

“Urgjencë mjedisore” e përkufizojmë si një ngjarje e papritur/paparashikuar mjedisore që cënon mirëqenien publike dhe që kërkon një veprim dhe reagim nga shoqëria civile dhe qytetarët, në nivel lokal, rajonal (e shtrirë në disa bashki ose qarqe) apo kombëtar.

“Zhvillim me ndikim mjedisor” e përkufizojmë si një zhvillim i caktuar në sektorë të ndryshëm, përfshirë zhvillimet legislative, një situatë emergjente mjedisore apo një projekt zhvillimor, i cili impakton ndjeshëm mjedisin (me efekt të drejtpërdrejtë ose të tërthortë në grupe të caktuara shoqërore) dhe nxit grupet e interesit për të advokuar për një vendimarrje më të mirë.

“Aktivitete me efekt negative në mjedis”, përkufizojmë aktivitete të ligjësme ose të paligjësme të cilat dëmtojnë pyje (prerja e pyjeve), male (guroret), bregdet, lumenjë (derdhja e ujrave të zeza, hedhja e inerteve), etj.

Çështje ndërsektoriale, përkufizojmë problematika të cilat ndërthuren me njëra-tjetrën, si p.sh ndërthurja e çështjeve mjedisore me ato sociale, ekonomike, shëndetësore ose karakteristika të tilla si: gjinia, orientimi seksual, aftësia e kufizuar, vendbanimi, përkatësia etnike, etj.

ii) Objektivat e thirrjes

- Mbështetja dhe fuqizimi i OSHC-ve lokale (pa dhe me eksperiencë të kufizuar) për të reaguar dhe vepruar ndaj një zhvillimi me ndikim mjedisor i cili cënon mirëqenien e komunitetit ose grupeve të caktuara;
- Nxitja e angazhimit komunitar dhe rritja e presionit pozitiv për transparencë dhe llogaridhënie në proceset e hartimit të politikave, strategjive apo projekteve zhvillimore me ndikim të ndjeshëm mjedisor ose ndërsektorial;

iii) Prioritetet

- Zbatimi i fushatave informuese e advokuese për të nxitur reagimin në adresmin e çështjes së ngritur;
- Bashkëpunimi ndërmjet OSHC-ve, komuniteteve, institucioneve, medias;
- Angazhimi në mënyrë aktive i komuniteteve në zonën e zbatimit të projektit por edhe më gjerë (varësisht çështjes së ngritur);
- Fuqizimi i komuniteteve për t’u organizuar në mënyrë të pavarur për çështje me interes publik;
- Përdorimi i metodave tradicionale dhe inovative³ për të rritur vizibilitetin e nismës/projektit të zbatuar.
- Zbatimi i nismave të cilat adresojnë çështje të ndryshimeve klimatike, ndotjes, biodiversitetit;

3. Kriteret e aplikimit

Grantet ‘e dedikuara’ do të jetë e hapur për periudhën 22 Maj - 22 Qershor 2025:

³ Metodë, ide apo qasje e re e pazbatuar më parë;



Çdo aplikim për grant 'të dedikuara' **duhet** të plotësojë kriteret e mëposhtme:

1. Nisma e sugjeruar të lidhet me qëllimin, objektivat dhe prioritetet e thirrjes për grantet 'e dedikuara' si dhe të lidhet me objektivin e përgjithshëm dhe objektivat specifike të projektit GreenAL;
2. Çështja e identifikuar duhet të jetë relevante për komunitetin dhe OSHC të jenë të gatëshme të bëhen pjesë e procese kapacituese që do të ofrohen në kuadër të grante të dedikuara dhe projekti GreenAL në përgjithësi.

i) Kush mund të aplikojë?

Përmes granteve 'të dedikuara' do mbështeten **Organizatat Lokale të Shoqërisë Civile (OSHC⁴)** (pa ose me përvojë) të kufizuar në adresimin e problematikave mjedisore ose ndërsektoriale. Inkurajojmë të gjitha organizatat lokale e shoqërisë civile dhe grupet vendore të veprimit (GVV) që të aplikojnë, me kushtin që nisma me të cilën do të aplikohet të jetë mjedisore (ndryshimet klimatike, ndotja, biodiversiteti) ose ndërsektoriale (ndërthur çështjet mjedisore me ato sociale, ekonomike, shëndetësore, etj).

Gjithashtu organizatat aplikuese duhet:

- Të ushtrojnë veprimtarinë e tyre në Shqipëri;
- Të mos kenë konflikte interesi me asnjë nga organizatat partnere të GreenAL si edhe mbivendosje të aktiviteteve me projekte që janë ende nën marrëdhënie kontraktuale. Nëse gjatë zbatimit të marrëveshjes lind ndonjë konflikt interesi, përfituesi duhet të njoftojë menjëherë organizatën Grant Dhënëse.

Partneriteti **nuk** është i detyrueshëm për këto lloj grantesh, por në rastet e **partneritetit** bashkë-aplikant mund të jenë:

1. **OSHC/GVV;**
2. **Institucione kërkimore ose të arsimit të lartë;**
3. **Media;**
4. **Shkolla publike dhe private;**

Në rast partneriteti, roli i aplikantit kryesor dhe bashkë-aplikantëve duhet të dali qartë në adresimin e problematikës që do të adresohet. Gjithashtu aplikanti kryesor **duhet** të ketë një marrëveshje partneriteti me shkrim me bashkë-aplikantët e projektit. Në marrëveshje duhet të specifikohet roli specifik i gjithsecilit prej partnerëve si dhe të vendoset një ndarje të buxhetit, në lump-sum, midis partnerëve.

Shënim: Përfituesit e granteve 'rajonale, tematike dhe të iniciativës' **nuk humbasin** të drejtën për të aplikuar tek kjo skemë grantesh por nisma me të cilën ata do të aplikojnë NUK duhet të jetë e lidhur me atë që po zbatohet.

ii) Tipologjia e mbështetjes financiare

Vlera maksimale e grantit: 5,000 EUR;

Kohëzgjatja e zbatimit të projektit: 6 muaj;

Shtrirja territoriale: Në të gjithë Shqipërinë;

⁴ Organizata të shoqërisë civile janë organizata jofitimprurëse të cilat janë regjistruar dhe funksionojnë në përputhje me legjislacionin shqiptar (Ligji 'Për Organizatat Jofitimprurëse' Nr.8788, datë 7.5.2001) dhe ushtrojnë veprimtari në territorin e Shqipërisë.



KUJDES! Vlera totale në dispozicion për këtë thirrje është 35,000 EUR dhe vlera maksimale e grantit është 5,000 EUR. Numri i pritshëm i granteve që do shpërndahen është të paktën 7 (Shtatë)

4. Rregulla të përgjithshme.

Aktivitetet të lejuara, janë ato aktivitete që:

- Vijnë si përgjigje e ngjarjeve ose zhvillimeve urgjente me ndikim të theksuar në mjedis dhe që çënojnë mirëqenien publike;
- Përfshijnë krijimin dhe zbatimin e fushatave informuese për çështjen e ngritur, nëpërmjet shpërndarjes së pankartave, daljeve në mediat lokale/kombëtare, advokim në mediane dhe shkruar dhe atë vizive, postimeve të targetuara në rrjete sociale, etj.;
- Mundësojnë dialog me politikë-bërës lokal/rajonale/kombëtar, OSHC dhe me grupe të tjera interesi;
- Angazhojnë në mënyrë aktive komunitetet lokale/rajonale për të advokuar mbi çështjen e ngritur nëpërmjet takimeve, trajnimeve, etj.;
- Rrisin kapacitetet e komuniteteve lokale për mënyrat e ndryshme se si ata mund të adresojnë çështje që i çënojnë mirëqenien publike (nëpërmjet trajnimeve, mentorimit, mbështetjes, mobilizimit, etj.);
- Prezantojnë modele inovative për trajtimin e çështjes së ngritur në nivel lokal/rajonale/kombëtar;
- Ofrojnë alternativa për zgjidhjen e problematikës së ngritur nëpërmjet hartimit të dokumenteve/letrave të pozicionimit;
- Mbështesin kërkimin dhe raportimin të bazuar në fakte dhe të dhëna nga terreni.

Shënim: Kjo listë nuk është shtruese

Aktivitetet të palejueshme, janë ato aktivitete që:

- Mund të parashikohen/organizohen paraprakisht;
- Zëvendësojnë kompetencat e pushtetit vendor;
- Bëjnë financimin e individëve për të marrë pjesë në seminare, konferenca dhe kongrese për qëllime personale;
- Kryejnë investime në pronë apo favor të subjekteve private.

Kosto të pranueshme janë kostot që:

- Janë të lidhura me aktivitete të kryera gjatë zbatimit të nismës/projekt propozimit dhe që janë specifikuar në kontratë;
- Pasqyrohen në buxhetin e përgjithshëm të aktivitetit (në formatin e buxhetit);
- Janë të nevojshme për zbatimin e aktiviteteve;
- Mund të gjurmohen dhe verifikohen në origjinë, veçanërisht të regjistruara në regjistrat kontabël të Përfituesit të Grantit dhe të përcaktuara në përputhje me standardet e zbatueshme të kontabilitetit të Republikës së Shqipërisë;
- Janë në përputhje me kërkesat e legjislacionit të zbatueshëm tatimor;
- Respektojnë rregullat e kombësisë dhe origjinës.

Si kosto të pranueshme nga Përfituesit e Granteve konsiderohen:

- Kostot e nevojshme për zhvillimin e aktiviteteve të parashikuara të nismës;
- Kostot e stafit të caktuar në projekt-propozim, që korrespondojnë me pagat aktuale bruto duke përfshirë tarifën e sigurimeve shoqërore dhe kostot e tjera të lidhura me shpërblimin;



- Shpenzimet e udhëtimeve dhe dietave për personelin dhe personat e tjerë që marrin pjesë në projekt, me kusht që të jenë kosto reale të konfirmuara nga dokumente mbështetëse.

E rëndësishme: Vini re se taksat, përfshirë TVSH-në, do të aprovohen si kosto të pranueshme vetëm kur të plotësohen kushtet e mëposhtme (dhe të konfirmuara nga dokumentet mbështetëse):

- Taksat e vlerës së shtuar nuk janë të rimbursueshme në asnjë mënyrë;
- Sipas praktikës, ato do të përballohen nga përfituesi; dhe
- Ato pasqyrohen qartë në projekt propozim.

Kosto të papranueshme, përfshijnë:

- Borxhe dhe tarifat e shërbimit të borxhit (interesat);
- Dispozita për humbje ose detyrime të mundshme në të ardhmen;
- Kosto të deklaruara nga Përfituesi dhe të financuara nga donatorë ose nga veprime të tjera të financuara nga Sida;
- Humbjet e këmbimit valutor;
- Kredi për palët e treta;
- Kostot e pagave të personelit të administratës shtetërore, publike;
- Blerje pajisjesh;
- Kosto të ndryshme zyre;
- Shpenzime që i përkasin një periudhe më të gjatë sesa zbatimi i projektit.

5. Tema të mundshme

Do të trajtohen me prioritet aplikime që trajtojnë çështje të cilat përfshihen tek fushat prioritare të specifikuar në [Pasqyrën e Programit të GreenAL](#). Fushat prioritare të reflektuara në Pasqyrën e Programit paraqesin fushat që konsiderohen si më kryesore nga grupet e interesit dhe organizatat e konsultuara gjatë zbatimit të projektit.

Nuk do të jetë penalizues fakti nëse një organizatë paraqitet me një aplikim që nuk i përmbahet fushave prioritare që reflektohen, por do të vlerësohet nëse nisma e propozuar sjell risi, apo është mëse aktuale, për komunitetin në fjalë dhe jo një përsëritje apo riciklim i projekteve të mëparshme.

Për secilën nga tre tematikat në fokus të GreenAL, si disa nën-tema potenciale për t'u trajtuar mund të përmendim:

- Ngjarje të paparashikuara, si p.sh. ndotja e ujit të pijshëm, marrja flakë e vendgrumbullimeve të mbeturinave urbane, fatkeqësi natyrore, etj.;
- Zhvillime legislative që mund të sjellin përkeqësim të situatës aktuale mjedisore në nivel vendorë ose kombëtar;
- Investime zhvillimore kundër mirëqënies publike;
- Zhvillime që sjellin përkeqësim të aksesit të komunitetit në ujë të pijshëm, energji, etj.;
- Zhvillime që kufizojnë aksesin territorial të komunitetit;
- Zhvillime që kufizojnë ose dëmtojnë hapësirat e gjelbërta;
- Ndërgjegjësimi i grupeve të marginalizuara mbi pasojat (sociale, ekonomike, shëndetësore) që ndryshimet klimatike, ndotja dhe shkatërrimi i natyrës mund të kenë;

Shënim: Kjo listë nuk është shterues



6. Aplikimi

Procesi i aplikimit dhe vlerësimit kalon në hapat e mëposhtme:

- Publikimi i thirrjes për aplikime;
- Dorëzimi i aplikimit;
- Vlerësimi i aplikimeve të marra nga grupi vlerësues i ngritur posaçërisht për vlerësimin e nismave;
- Realizimi i intervistave me nismat e përzgjedhura;
- Finalizimi i planit të aktivitetit dhe buxhetit;
- Njoftimi i nismave fituese;

i) Dokumentet e nevojshme

Aplikimi duhet të kryhet në gjuhën Shqip dhe dokumentet që duhen dorëzuar janë si më poshtë:

1. **Formati i aplikimit** (*Shtojca 1*)
2. **Dokumentet administrative**⁵:
 - Vendimi i regjistrimit në gjykatë (*kopje elektronike*);
 - Statuti dhe Akti i Themelimit të OSHC (*kopje elektronike*);
 - Regjistrimi në Zyrën e Tatim-Taksave (NIPT) (*kopje elektronike*);
 - **Marrëveshje Bashkëpunimi (vetëm në rast partneriteti)**;

Shënim: Forma e aplikimit mund të gjendet në webfaqen e greenal.al.

ii) Mënyra e dorëzimit

Për një proces sa më të thjeshtë, aplikimi për grantet 'e dedikuara' do të kryhet **vetëm në formatin ONLINE** në faqen greenal.al, në hapësirën e granteve 'të dedikuara' [këtu](#).

Përgjatë kryerjes së aplikimit, **kini parasysh**:

- Të plotësoni të gjithë informacionet e kërkuara tek tabela e aplikimit (Emri i aplikantit, adresa e email-it, numri i kontaktit);
- Të ngarkoni dokumentet e kërkuara sipas hapësirave përkatëse në formatin PDF. Të gjitha dokumentet e ngarkuara **nuk duhet të kalojnë 5 MB**. Këto dokumente janë:
 1. Format i aplikimit të nismës (*që përfshinë Deklaratën e aplikantit dhe Mandatin e partner-it, vetëm në rast partneriteti*)
 2. Paketa e dokumenteve administrative (*të renditura më sipër*)

⁵ Të gjitha dokumentet administrative të dorëzohen si një paketë e vetme në PDF.



- Pasi të siguronit që të gjitha informacionet dhe dokumentet e nevojshme janë ngarkuar, klikoni ‘Dërgo’ Aplikimin.

Pas dërgimit të aplikimit do ju vijë, në adresën e postës elektronike të vendosur në aplikim, një mesazh automatik konfirmues që aplikimi juaj është dorëzuar.

KUJDES! Siguroni që të dorëzoni të gjitha dokumentet e kërkuara. Aplikimet me mungesë dokumentacioni dhe që nuk plotësojnë rregullat e vendosura, do të refuzohen.

7. Vlerësimi

Vlerësimi do të kryhet brenda 15 ditëve (ditë pune) nga momenti i mbylljes së aplikimeve.

Një Komision i dedikuar do të ngrihet posaçërisht me vendim të brendshëm nga Co-PLAN, anëtarët e të cilit do të mandatohen për të siguruar një vlerësim objektiv, të paanshëm dhe profesional, ndaj nismave të paraqitura.

Vlerësimi i aplikimeve do të kalojë në 2 (dy) hapa: **procedurë vlerësimi** dhe **intervistë**.

KUJDES! Në rast të pushimeve zyrtare, procesi i vlerësimit të aplikimeve mund të zgjatet me ditët respektive të pushimeve.

i) Vlerësim i nismës

Procesi i **vlerësimit** përfshinë shqyrtimin e cilësisë së aplikimeve, të cilët do të vlerësohen duke përdorur kriteret e vlerësimit të plotë që janë në tabelën më poshtë me referencë seksionet e formatit të aplikimit.

Kriteri i vlerësimit	Rezultati maksimal (pikë)
1. Relevanca dhe rëndësia e problematikës të adresuar për komunitetin ku do të zbatohet nisma.	10 pikë
2. Sa gjithëpërfshirëse është nisma juaj (përfshirja e target grupit)	10 pikë
3. Periudha dhe buxheti i parashikuar për zbatimin e nismës;	10 (Pikë)
PIKËT TOTALE MAKSIMALE	30 (pikë)

Vetëm aplikimet me **minimalisht 20 pikë** do të konsiderohen për fazën përfundimtare të përzgjedhjes së aplikimit fitues.

Përgjatë vlerësimit të aplikimeve **do merren në konsideratë** edhe:

- Përputhshmëria e projekt-propozimit me qëllimin, objektivat dhe prioritetet e thirrjes si dhe me objektivin e përgjithshëm dhe objektivat specifike të projektit GreenAL;
- Relevanca e urgjencës ose zhvillimit të parashtruar në aplikim dhe qasja e propozuar për ta trajtuar atë;



- Novacioni i idesë së propozuar;
- Përputhshmëria ndërmjet qëllimit dhe aktiviteteve të parashikuara.

ii) Procedura e përzgjedhjes

Pas përfundimit të procesit të vlerësimit, aplikantët do të **njoftohen për vendimin në lidhje me aplikimin** nëpërmjet email-it. Në komunikimin përcjellës për njoftimin e rezultatit aplikantët do të njoftohen edhe në lidhje me fazën e intervistave (ku dhe si do të realizohen).

Ankimimi: Nëse aplikanti beson se është vlerësuar negativisht si rezultat i ndonjë gabimi apo parregullsie gjatë procesit të vlerësimit mund të bëjë ankimim brenda 5 (pesë) ditëve (ditë pune) nga dita që ka marrë njoftim për refuzim. Ankimimi duhet të kryhet me shkrim, nëpërmjet email-it ose postës. Ankesa do të shqyrtohet dhe përgjigja do të kthehet brenda 10 ditëve (ditë pune) që nga paraqitja me shkrim e ankimit.

Kontraktimi: Përpara nënshkrimit të kontratës, Co-PLAN do të ofrojë rritje kapacitetesh, për nismat të cilat do të kalojnë **fazë e intervistës**, me fokus hartimin e planit të aktiviteteve dhe buxhetit. Ky trajnim do të ndiqet nga seanca mentorimi deri në finalizimin e tyre. Mentorimi dhe mbështetja për nismat e përzgjedhura do të vazhdojë edhe gjatë zbatimit të projektit.

Pagesa do të kryhet në dy faza:

1. Pas nënshkrimit të kontratës do të kalohet 70 % e shumës,
2. Pagesa përfundimtare prej 30% do të transferohet pas miratimit të përditësimeve të raportit përfundimtar narrativ dhe financiar.

Raportimi: Dorëzimi i një raporti përfundimtar narrativ dhe financiar për zbatimin e projektit, 30 dite pas mbarimit të tij.

E rëndësishme: Parandalimi dhe eliminimi i çdo ndërhyrjeje arbitrare dhe/apo favorizuese është prioritet për Co-PLAN dhe partnerët. Procesi do të jetë transparent dhe informacioni në të gjithë hapat e tij do të jetë lehtësisht i aksesueshëm.

KALENDAR INDIKATIV I PROCESIT		
Hapat e thirrjes	Data	Ora
Shpallja publike e Thirrjes për Nisma Lokale	22/05/2025	
Gjashtë (6) sesione informimi	22/05/2025 – 15/06/2025	
Afati i fundit kohor për të drejtuar pyetje sqaruese Co-PLAN.	15/06/2025	16:00
Afati i fundit për dorëzimin e nismës	22/06/2025	16:00